


MAFA/MOFA - "Who will deliver me?"

N'NDA MBEL KA IYÈ AUDA TE PA BA WA?

A pats dimanche ngidè, i njè ma mbela'a te kokwar bi ngidè man ta bahana kokwar sa'a Lessouto. Ndohi kumba man ta mbicè va a pats na sa, bi tenga'a ba zhè a nawa na man a ta da fi zlembade a ma zhiklè. Ma zhiklè man nenga'a nshéffè te pa, man nenga'a wudi na a zhè, nenga'a lémmèlémè ara kafahi gwèsh man ntasla te tsagi cew a nlamata ndav ndohi man ta ciné'a.

Te ndav man i jè ma zhiklè, dai man i tsi tsaval a gidé'a, ngwoz bai mbia'a a nhuno man a nkudí ngezler-ngezlera'a. Kuda a gu pana dai, pana dai. A ngwoz bai sa a nslambada a sam nzi na a ngada: N'nda mbel ka iyè auda te pa ba wa? Kam-kam va takaha iyè, ndav ga a tuna, a dza iyè kumba, iyè ndo mbebia'a! Wawud nga, nda takaha iyè wa? N'nda mbel ka iyè auda te bélé mali haha wa? I da gi mè ke man ai mbel ga? Kin man a haha, kin sen iyè stad-stad téléba. I ngwoz bai, i ngwoz man i tsi rai a zhiklè péc-pécèk. I do a gi zhiklè a fena antanta mvi 20 ma, aman

N'NDA MBEL KA IYÈ AUDA TE PA WA?



Ndo man a gi malai, nenga'a, a ndo bi Madzagai. (1 Jean 3:8).

te skuihi haha télé, ntakaha iyè ko kesh kata ßai, mpreka iyè auda te ri ßélé malai ßai. I ngwoz man i si zom kumba, iyè ndo nked ndo. Rihi ga man kin reka haha, a mbeßai, nlizhé'a a géd man ngu mizlin n'nti zom. Zom nenga'a skui man a mbeßai, skui mphömda'a. Malihi ga ndzawa ma iyè rai a sak; Waba iyè, iyè vogwa mènè!

Te deßa'a a nkuðu a va za'a ngezler-ngezlera'a, a nzena a hai angi wabaw, a ngoda a wuðai: Wawud nga, va takaha iyè, va takaha iyè! N'nda mbel ka iyè auda te pa ma wa? N'nda mbel ka iyè auda te ßélè mali wa? I dzawa'a a wuð nga! I woy zhiklè, aman malihi ga ta fen iyè, ta ngazl iyè a civèd ndè vogwa. I keda kra ga nshélékura'a, i sau zom, kra sa'a te ba ga, ai kala a hai a géd zom man a keð iyè, a géd kra ga a mbatsna, a m'metsna a kra ga. Kam-kam va takaha iyè wa wud-nga, va mbelde, ka iyè auda te ri m'metsai! N'nzi ara ndohi nte deßa a ntakaha iyè ßai. N'ndè a gi zhiklè, ntakaha iyè ßai. Kos n'nda takaha iyè ma wa?

Ai mbeda na a deßa'a a ngédhi nenga'a haha: gumai da zhè a nda ka! Ka da reka'a ara man sam maya ngidè assaßai kaßai. Skui man a ga ka haha, a gi a sam ndohi ngidè ba. Déléwer zhiklè a slaha a mbedi a géd skui télé, a kuð ngaya, a matakwanhi ngaya télé man ka goð haha. Man nga jengué'a te déléwer Romains 7:15-25 a tsa nga tsaval a géd malai man a gi ndo a ßélè, aman a ngerda nga a va ba, a géd ndo ngidè man a slaha a mperka auda te ri ßélè malai.


SKUI MAN NGA MBEDI A PA

Aman kra zhiklè mpreka kinè auda, ki mpra'a a vava. Jean 8:36.

Yésu-Kristi, nenga'a ndo man a slaha a mbedi a skui man a ga nga télé. A géd skui man a ga ka, a géd skui man ka jhéde'a, mbedi a pa a nta: Skui mbel ndo te ndo ngidè azßai, t'hwad gédfèk nzlembad ngidè azßai, man ta via'a a ndohai, aman a nga mbel nga. (Actes 4:12). Yésu-Kristi, nenga'a stad genè man a slaha a mbel nga te malihi nga. Pombaz nenga'a stad genè man a slaha a mpra mali nga téléba. Ndo ko stad: ko docteurhi, ko géd madzaf mèmè, ko ndohi mbéh skwai, ndo azßai a géd herkeda haha ara ndo njè ma zhiklè, ndo mber église, église, skuihi man i njo haha télé a slaha a mbel nga ßai te malihi nga. Yésu-Kristi stad a géd na a ri na a mbel nga, nenga'a kra tambak zhiklè man a slaha a ncè mali herkeda auda, a slaha a mbel nga a pombaz nenga'a nzala'a, nkezla'a, te Mézhéß nenga'a nzala'a.

Yésu-Kristi, kra zhiklè a shkè herkeda haha man a nda winè di mandazli man a nhelka ta ndohi dangai auda te sam man ta a pa, ndohi man ta n'nza te ruva. (Esaie 42:6-7). Yésu-Kristi a gada te Jean 8:34-36. Ndo wawa man a gi malai, a gi ßélé malai; aman kra zhiklè mpreka kinè auda, kin pra'a a vava. Yésu nenga'a ma nzura'a man prè ndo auda te dangai malai man kin ndi a ndo mpra'a a vava.

Yésu-Kristi kra zhiklè a nzuɓa malihi nga télèba a géd na a géd wof ngézléhè. Ta gezlala malihi kinè a géd wof ngézlélè. Te Esaie 53 a gada: “Aman a vava a mzuɓ matakwan nga, a mco skui ndzi nga. Kita man a kala na a géd, nenga’a a mva nga gumai; te mblè nenga’a nga mbel nga.



Aman kra zhiklè mpre kinè auda, kin pra'a a vava. (Jean 8:36).

Barrabas nenga'a ndo malai, ndo nked ndo, ta gana kita m'metsai. Ara gassa ta gezlala, aman a Yésu kra zhiklè a nco sam nzi na aman a ta gezlélé'a te di mana Barrabas. Ta gezlala Yésu kra zhiklè te di mana Barrabas. Aman Yésu kra zhiklè a m'metsa a géd a géd Barrabas genè kaɓai, aman a géd ndohi herkeda télèba, a géd ngaya ba, a géd ga ba. Ndo man a keda ara Barrabas ta pra'a a géd man ndo ngidè nco sam nzi na. Ka man ka jengué haha, iyè nga lémmèlémmè ara Barrabas.

Skui ntulè malai, nenga'a m'metsai aman skui man zhiklè a via'a ambalai nenga'a nshéffè a médép te Yésu-Kristi. Man ka pu dai a skui man Yésu-Kristi a gu a géd wof ngézlélè a ka co a ndav ngaya, ka da reka va ngaya, a Yésu a gezlala malihi ngaya télèba. Yésu nco sam nzi ngaya a géd wof ngézlélè man a ka ngécè nshéffè man a nzi a médép. A bada pombaz na a hai a géd man a ncè malhi ngaya auda.

Man ngwoz bi sa a ntsena ma haha, a nco Yésu-Kristi a ndav na a géd man Yésu-Kristi nco sam nzi na a géd wof ngézlélè, mbada pombaz nenga'a nkezla'a a hai aman a mpèn malihi nenga'a a vena. A nco ndav nenga'a télé, a mvana a Yésu-Kristi, a Yésu a mprana malihi nenga'a télèba, a

mvana Mézhéḃ nenga'a nkezia'a, a mprekoda auda te ri wudí malai, te ri bi Madzagai. Ndzu a vata dega ncè Yésu-Kristi nenga'a, aman a vava nshéffè nenga'a ngwoda'a. Skuihi télè man a gia'a, antanta ngwoda'a, nara nshéffè nenga'a m'mova'a kaḃai, a dè a mama te ncè a ndav, te n'ngi ngula'a a géd malihi tsad-tsad. Ngwoz bi sa, a si zom assaḃai, a si tapa assaḃai. Skui télè man a gia'a te nshéffè nenga'a, mbambi kaḃai, nshéffè nenga'a a ngerdè skui nzura'a auda. A vava a ngerdè auda a sam na ara man n'nda'a a ndo mbua'a te Yésu-Kristi, skuihi m'mova'a, kala a deḃa ma, télè skui te nshéffè nenga'a, n'nda'a a skui mbua'a. (2 Cor. 5:17).

Ka ba, man ka jengué délèwer haha, ka slaha a ka prè auda te ncè Yésu-Kristi a ndav te ri bélè malai. Yésu-Kristi a gaḃa te Matthieu 11:28. Vo washkè a sam ga, kin télèba man ntulé a keḃ kinè, man skui mwudí te pa a ga kinè, ai da va kinè nshék va. Do a sam Yésu-Kristi ara nzi ngaya a sam man ka a pa. Ka slaha a ka ngerda na skui télè te nshéffè ngaya. A dzar ka a deḃa azḃai man ka shkè a sam nenga'a te m'mèndè géd a hai, a ka winè na ndav ngaya twènga'a man a n'ndè, a pa, a ka gishè va a nenga'a. Wa ngidba ka ndo m'mova'a te église ma, aman ka gi bélè mali genè. Washkè a sam Yésu-Kristi, a slaha antanta man a mpre ka auda te n'ngi bélè malai. Ara man a suda ndo hutsod, a winè di mandazlai, lémlémè a slaha a n'ngia'a a sam ngaya a géd malihi ngaya man ndav ngaya nlébéslé'a, man ndav ngaya a woya'a, man ka mendè géd a hai a sam na. Yésu-Kristi a ngwèdè azḃai, skuihi man a gu hala'a, a slaha a ngia'a lémlémè a patsna ba. A slaha a mpreka ka auda te ri bélè malai, te ri bi Madzagai. Te Psaumes 103:3 a gaḃa: "Nenga'a a pra ka mali ngaya télèba, nenga'a a m'mbel ka te matakwanhi ngaya télèba."

Man ka vana ndav ngaya a Yésu-Kristi, a woy ka tsi tsaval a géd skui man Yésu-Kristi a gu te nshéffè ngaya, a pre ka ka auda te ri bélè malai. A sam ndohi man ta suno Yésu diḃai. A woy ka widè ka nga lettre man a nga suno ma a gédé'a, a nga tsena labar ma ngaya.

J.R. Gschwend.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)